

Ilis gronds donns da fiu e donns elementars èn cuvrìds grazia als gudogns da las investiziuns


Veglias sabientschas din: "Mitschar cun in egl blau" u "cura gudognan ins e cura perdan ins". Cun 29 milliuns francs donns è resultada ina perdita operativa da 13,7 milliuns francs, il resultat da gestiun il pli nausch dapi 12 onns. Ilis donns totals eran circa 11 milliuns francs sur la media da plirs onns. Bondo ha pretendì insatge da la GVG ed ha promovì la GVG, perquai che l'eveniment ha sensibilisà per ilis privels da la natira.

In onn finanzialmain turbulent pervia dals gronds donns e pervia da la rallye da la bursa

La mesadad dals donns da fiu è resultada da dus incendis gronds d'edifizis cun utilisaziun commerziala: la Baustoffe SA a Trimmis e la Landi a Tusaun. Da tut ilis donns elementars da 14 milliuns francs derivan var 12 milliuns da l'eveniment da Bondo. L'onn da bursa excellent ha pudì pli che gulivar l'auta summa da donn. Il resultat tuttina positiv da 20 milliuns francs è d'engraziar al surpli ord la fatschenta d'investiziuns. Questa ultima ha contribuì – cun ina performance da 7,8 % e cun in gudogn da 51,5 milliuns francs – ad in resultat annual positiv.

Augment dals donns pervia da privels da la natira ed enconuschientschas or dal cas Bondo

Bondo ha marcà l'onn da l'assicuranza d'edifizis 2017. Quantitads nunimaginablas da material da bova èn vegnidas a val ed han laschà enavos in trist maletg da destrucziun. Per las personas evacuadas è suandà in lung temp da spetga engrevgiant cun dumondas existenzialas: Nua poss jau reconstruir mia chasa cumpletmain destruida? Cura poss jau finalmain reparar ilis locals inundads? Tge custs èn cuvrìds tras l'assicuranza e.u.v.? La GVG surpiglia ilis custs dals edifizis en cas d'ina reconstrucziun respectivmain d'ina reparatura a la valur da nov, q.v.d. a 100 %. La cassa per donns elementars cuvra ultra da quai 70 % da las lavurs da rumida ordaifer l'edifizis. Cun agid dals partenaris vischnanca, chantun e Chaidaina da fortuna dastgan ins avair speranza ch'i na restian enavos naginas grevezas finanzialas considerablas per las personas pertutgadas. Las personas pertutgadas èn sa cumportadas en moda admirabla. Ellas han acceptà lur destin cun curaschi e cun dignitad. In grond laud meritan las autoritads da la vischnanca da Bregaglia che han prestà ina lavur ordvart professiunala sut la direcziun da la presidenta communal Anna Giacometti ed en collavuraziun cun ilis spezialists da l'uffizi da gaud e privels da la natira (UGP), da l'uffizi da militar e da protecziun civila (UMPC), da la polizia, dals pumpiers e dal militar. La collavuraziun da tut ilis spezialists d'acziun e da ristga è stada excellenta. La GVG è fitg engraziavla per la lavur da rumida exemplarica tras la protecziun civila ed il militar en ed enturn ilis edifizis donnegiads. Bondo è bain in eveniment rar, ma el mussa ch'effects da cascada ston vegnir resguardads pli e pli fitg. Ilis donns enorms èn il resultat d'eveniments che s'intensifitgeschan: L'emprim la bova, alura il glatscher ch'è luà pervia dad ella, blera aua causa la marschauna e la finala anc ina daratga.



Fatg èsi ch'ils donns elementars resultan sin plaun internaziunal e naziunal pli savens, en moda pli intensiva e ch'els chaschunan dapli custs. En quest connex gioga la midada dal clima segiramain ina rolla impurtanta. Las summas dals donns elementars s'auzan però, e quai er sco consequenza d'ina moda da construcziun pli flaivla pervia da las izolaziuns termicas e pervia dals implants solars.

Ils donns da fieu diminueschan pervia da la buna prevenziun ed ils donns elementars s'augmentan. Il Grischun na para però anc betg da suandar questa tendenza. Quai dastgass esser unicamain casualità e correspunder a la rarità statistica da catastrofas fitg grondas. I sto vegnir fatg tut per che nus possian tegnair en frain ils donns elementars, e quai per ch'i na daventia er betg necessari a lunga vista d'auzar premias.

Co po sensibilisar la GVG?

Enquistas periodicas e permanentas tar la clientella mussan in'auta cuntentientscha cun las prestaziuns da la GVG. Deplorablamein èsi memia pauc enconuscent che la GVG è responsabla er per la prevenziun e per ils fatgs da pumpiers. Quai difficultescha la sensibilisaziun per la prevenziun cunter donns elementars, per la protecziun cunter incendis e per ils interess dals pumpiers.



La cumissiun administrativa ha perquai acceptà ina campagna d'infurmaziun. Cun ina tura d'infurmaziun tras l'entir chantun duai vegnir rendì attent als privels da donns elementars ed a las ristgas d'incendis. Per quest intent han ins cumprà l'indiriz per simular brischaments che na serva betg mo ad infurmar davart la prevenziun, mabain natiralmain er a la scolaziun dals pumpiers.

Digitalisaziun er tar assicuranzas d'edifizis?

Il nov model directiv e la nova strategia da la GVG han recepì las novas sfidas da la transformaziun digitala. Questa digitalisaziun ha già transformà il mund da lavur da las assicuranzas d'edifizis e vegn a transformar el anc pli fitg ils proxims onns. Già oz sa fida l'appartegnent dals pumpiers (AdP) en acciun dal nov sistem d'infurmaziun per l'acciun da pumpiers (FEIS), in sistem che sa basa sin il SIG e che serva a l'infurmaziun ed a la direcziun; ils emprims roboters da stizzar fieuv vegnan duvrads; ils plans da protecziun cunter incendis vegnan prest concepids digitalmain; ils donns vegnan forsa registrads dal donnegià sez tras in'app e validads da l'intelligenza artificizala; l'eliminaziun dal donn cun agid da blockchain vegn activada electronicamain; las adattaziuns da las datas d'assicuranza pon vegnir transformadas directamain dals systems circumdants (register funsil, register federal dals edifizis e da las abitaziuns e.u.v.) u dal client e pon vegnir controlladas d'in sistem abel d'emprender.

Il rapport annual da la GVG po vegnir retratg gratuitamain sut www.gvg.gr.ch, telefon 081 258 90 00, info@gvg.gr.ch.

Infurmaziuns dat

Markus Feltscher, directur
Assicuranza d'edifizis dal Grischun · Ottostrasse 22, · 7001 Cuir
Telefon direct 081 258 90 01 · markus.feltscher@gvg.gr.ch

⇒ A partir dals 24-04-2018, a las 12.00, po il rapport annual vegnir chargià giu da la pagina d'internet www.gvg.gr.ch.